

Svrha pravila

Pravilo 9. tumači temeljni princip igre: „Igraj lopticom iz položaja u kome je zatečena”. Ako se igračeva loptica umiri, a potom je pomjere prirodne sile, kao što su vjetar ili voda, igrač mora normalno igrati lopticom sa njenog novog mjesta. Ako bilo ko ili bilo kakav spoljašnji uticaj pomjeri ili podigne lopticu koja se umirila prije nego što se udarac izvede, loptica se mora ponovo položiti na njeno prvobitno mjesto. Kada je u blizini bilo koje loptice u mirovanju, igrač mora biti obazriv, a igrač koji prouzrokuje kretanje sopstvene loptice ili loptice protivnika obično će biti kažnjen (izuzev na grinu). Pravilo 9. primjenjuje se na lopticu u mirovanju u igri na igralištu, a primjenjuje se kako tokom igranja kruga tako i kada je igra zaustavljena po Pravilu 5.7a.

9.1 Igra se lopticom iz položaja u kome leži

9.1a Igranje lopticom sa mjesta na kome se umirila

Igračevom lopticom u mirovanju na igralištu mora se igrati iz položaja u kome je zatečena, izuzev kada pravila dozvoljavaju igraču ili zahtijevaju od igrača:

- da igra lopticom sa drugog mjesta na igralištu ili
- da podigne lopticu i potom je ponovo položi na mjesto sa kog je podignuta.

9.1b Šta činiti kada se loptica pokreće tokom zamaha unazad ili udarca

Ako igračeva loptica u mirovanju počinje da se kreće pošto je igrač počeo svoj udarac ili zamah unazad za udarac, a igrač nastavi da izvodi udarac:

- loptica se ne smije ponovo položiti, bez obzira na to šta je uzrok njenog pomjeranja;
- umjesto toga, igrač mora igrati lopticom sa mjesta na kome se umirila poslije udarca;
- ako je igrač prouzrokovao da se loptica pomjeri, pogledajte Pravilo 9.4b da biste ustanovili da li postoji kazna.

Kazna za igranje nekorektno zamijenjenom lopticom ili za igranje lopticom koja je na pogrešnom mjestu, tako da se krši Pravilo 9.1: opšta kazna po pravilima 6.3b ili 14.7a. Ako usljed pojedinačnog djelovanja ili usljed povezanih djelovanja dođe do višestrukog kršenja pravila, pogledajte Pravilo 1.3c(4).

9.2 Odlučivanje o tome da li se loptica pomjerila i šta je prouzrokovalo njeno pomjeranje

9.2a Odlučivanje o tome da li se loptica pomjerila

Smatra se da se igračeva loptica iz mirovanja pomjerila samo ako je poznato ili gotovo sigurno da se to desilo. Ako se loptica možda pomjerila, ali to nije poznato ili gotovo sigurno, smatra se da se ona nije pomjerila i mora se njome igrati iz položaja u kome leži.

9.2b Odlučivanje o tome šta je prouzrokovalo pomjeranje loptice

Kada se loptica u mirovanju pomjerila:

- mora se odlučiti šta je prouzrokovalo njeno pomjeranje;
- ovim se odlučuje da li igrač lopticu mora ponovo položiti (vratiti na mjesto) ili igrati njome iz položaja u kome je zatečena i da li ima kažnjavanja.

1) Četiri moguća uzroka. Pravila poznaju samo četiri moguća uzroka usljed kojih se loptica iz mirovanja pomjera prije nego što igrač izvede udarac:

- prirodne sile, kao što su vjetar ili voda (pogledajte Pravilo 9.3);
- igrač, što obuhvata i igračevog kedijsa (pogledajte Pravilo 9.4);
- protivnik u meč-pleju, što obuhvata i protivnikovog kedijsa (pogledajte Pravilo 9.5) ili
- spoljašnji faktor, što obuhvata bilo kog drugog igrača u strouk-igri (pogledajte Pravilo 9.6).

Pogledajte pravila 22.2 (u igri učetvoro, bilo koji partner može djelovati za stranu i njegovo djelovanje tretira se kao djelovanje igrača) i 23.5 (u igri sa četiri loptice, bilo koji partner može djelovati za stranu i njegovo djelovanje u vezi s igračevom lopticom ili opremom tretira se kao djelovanje igrača).

2) Standard „poznato ili gotovo sigurno” u odlučivanju o tome šta je prouzrokovalo pomjeranje loptice.

Smatra se da su igrač, protivnik ili spoljašnji faktor pomjerali lopticu samo ako je poznato ili gotovo sigurno da su uzrok pomjeranja. Ako nije poznato ili gotovo sigurno da je bar jedan od navedenih uzroka uzrok pomjeranja loptice, smatra se da su lopticu pomjerile prirodne sile. Pri primjeni ovog standarda, moraju se razmotriti sve opravdano dostupne informacije, što znači sve informacije kojima

igrač raspolaže ili ih može steći ulažući opravdan napor i bez neprihvatljivog odlaganja igre.

9.3 Loptica koju su pomjerile prirodne sile

Ako prirodne sile (kao što su vjetar ili voda) uzrokuju pomjeranje igračkove loptice u mirovanju:

- **nema kazne** i lopticom se mora igrati sa njenog novog mjesta.

Izuzetak – Loptica, koja je na grinu, mora se ponovo položiti ako se pomjera pošto je već bila podignuta i ponovo položena (pogledajte Pravilo 13.1d): ako se igračeva loptica na grinu pomjera pošto je igrač već bio podigao i ponovo položio na mjesto sa kojeg se pomjerila:

- loptica se mora ponovo položiti na svoje prvobitno mjesto (koje se mora procijeniti ukoliko nije poznato) (pogledajte Pravilo 14.2);
- loptica se mora vratiti na svoje početno mjesto bez obzira na to šta je uzrok njenog pomjeranja (što obuhvata i prirodne sile).

Kazna za igranje nekorektno zamijenjenom lopticom ili za igranje lopticom koja je na pogrešnom mjestu tako da se krši Pravilo 9.3: opšta kazna po Pravilu 6.3b ili 14.7a. Ako usljed pojedinačnog djelovanja ili usljed povezanih djelovanja dođe do višestrukog kršenja pravila, pogledajte Pravilo 1.3c(4).

9.4 Loptica koju je podigao ili pomjerio igrač

Ovo pravilo primjenjuje se samo kada je poznato ili gotovo sigurno da je igrač (što obuhvata i igračevog kedijsa) podigao svoju umirenu lopticu ili je uzrok njenog pokretanja.

9.4a Kada se podignuta ili pomjerena loptica mora ponovo položiti

Ako igrač podiže svoju umirenu lopticu ili je uzrok njenog pomjeranja, loptica se mora ponovo položiti na prvobitno mjesto (koje se mora procijeniti ako nije poznato) (pogledajte Pravilo 14.2), izuzev:

- kada igrač podiže lopticu po nekom pravilu da bi uzeo olakšicu ili da bi lopticu položio na drugo mjesto (pogledajte pravila 14.2d i 14.2e) ili
- kada se loptica pokrenula tek pošto je igrač počeo udarac ili zamah unazad za udarac i potom nastavio sa izvođenjem udarca (pogledajte Pravilo 9.1b).

9.4b Kazna za podizanje ili namjerno dodirivanje loptice ili za uzrokovanje da se ona pokrene

Ako igrač podigne ili namjerno dodirne svoju umirenu lopticu ili uzrokuje da se ona pomjeri, dobija jedan kazneni udarac. No, postoje četiri izuzetka:

- **Izuzetak 1 – Igraču je dozvoljeno da podigne ili pomjeri lopticu:** igrač se ne kažnjava kada podigne lopticu ili uzrokuje da se ona pomjeri po nekom pravilu koje:
 - dozvoljava da se loptica podigne i da se onda ponovo položi na svoje početno mjesto,
 - zahtijeva da se pomjerena loptica ponovo položi na svoje početno mjesto, ili
 - zahtijeva ili dozvoljava igraču da ispusti ili postavi lopticu tako da bi njome igrao sa drugog mjesta.
- **Izuzetak 2 – Slučajno pomjeranje prije nego što je loptica pronađena:** igrač se ne kažnjava kada uzrokuje slučajno pomjeranje loptice prilikom njenog traženja ili identifikovanja (pogledajte Pravilo 7.4).
- **Izuzetak 3 – Slučajno pomjeranje na grinu:** igrač se ne kažnjava kada uzrokuje slučajno pomjeranje loptice na grinu (pogledajte Pravilo 13.1d), bez obzira na to kako je do toga došlo.
- **Izuzetak 4 – Slučajno pomjeranje bilo gdje van grina, primjenjujući neko pravilo:** igrač se ne kažnjava kada slučajno uzrokuje pomjeranje loptice bilo gdje van grina tokom opravdanih djelovanja radi:
 - značavanja mjesta na kome je loptica ili podizanja ili ponovnog polaganja loptice kada mu je to dozvoljeno (pogledajte pravila 14.1 i 14.2),
 - pomjeranja pokretne zapreke (pogledajte Pravilo 15.2),
 - ponovnog uspostavljanja pogoršanih uslova kada je to dozvoljeno (pogledajte Pravilo 8.1d),
 - uzimanja olakšice po nekom pravilu, što uključuje i određivanje da li je olakšica raspoloživa po pravilu (kao što je zamahivanje štapom da bi se ustanovilo da li to utiče na stanje), ili gdje uzeti olakšicu (kao što je određivanje najbliže tačke za potpunu olakšicu), ili
 - mjerenja po nekom pravilu (kao što je odlučivanje o redosljedu igranja po Pravilu 6.4).

Kazna za igranje nekorektno zamijenjenom lopticom ili za igranje lopticom koja je na pogrešnom mjestu tako da se krši Pravilo 9.4: opšta kazna po

pravilima 6.3b ili 14.7a. Ako usljed pojedinačnog djelovanja ili usljed povezanih djelovanja dođe do višestrukog kršenja pravila, pogledajte Pravilo 1.3c(4).

9.5 Loptica koju je podigao ili pomjerio protivnik u meč-pleju

Ovo pravilo primjenjuje se samo onda kad je poznato ili gotovo sigurno da je protivnik (što uključuje i protivnikovog kedijs) podigao igračevu umirenu lopticu ili je uzrokovao da se ona pokrene. Situacijom u kojoj protivnik igra igračevom lopticom kao pogrešnom lopticom bavi se Pravilo 6.3c(1), a ne ovo pravilo.

9.5a Kada podignuta ili pomjerena loptica mora biti vraćena na mjesto

Ako protivnik podigne ili pomjeri igračevu umirenu lopticu, loptica se mora ponovo položiti na svoje pravo mjesto (koje se mora procijeniti ako nije poznato) (pogledajte Pravilo 14.2), izuzev:

- kada protivnik predaje sljedeći udarac, rupu ili meč (pogledajte Pravilo 3.2b), ili
- kada protivnik podigne ili pomjeri lopticu u mirovanju na zahtjev igrača jer igrač namjerava da primijeni neko pravilo radi uzimanja olakšice ili da položi lopticu na drugo mjesto.

9.5b Kazna za podizanje ili namjerno dodirivanje loptice ili za uzrokovanje njenog pomjeranja

Ako protivnik podiže ili namjerno dodiruje igračevu umirenu lopticu ili ako uzrokuje njeno pomjeranje, protivnik dobija jedan kazneni udarac. Ali ima nekoliko izuzetaka:

- **Izuzetak 1 – Protivniku je dozvoljeno da podigne igračevu lopticu:** kada protivnik podigne lopticu, nema kažnjavanja u sljedećim slučajevima:
 - kada predaje udarac, rupu ili meč igraču, ili
 - na igračev zahtjev.
- **Izuzetak 2 – Označavanje i podizanje igračkove loptice na grinu greškom:** nema kažnjavanja kada protivnik na grinu greškom, vjerujući da je njegova sopstvena loptica, označi mjesto igračkove loptice i podigne je.
- **Izuzetak 3 – Isti izuzeci kao za igrača:** nema kažnjavanja kada protivnik slučajno uzrokuje kretanje loptice djelovanjima obuhvaćenim izuzecima 2, 3 ili 4 u Pravilu 9.4b.

Kazna za igranje nekorektno zamijenjenom lopticom ili za igranje lopticom sa pogrešnog mjesta kršeći Pravilo 9.5: opšta kazna po pravilima 6.3b ili 14.7a. Ako usljed pojedinačnog djelovanja ili usljed povezanih djelovanja dođe do višestrukog kršenja pravila, pogledajte Pravilo 1.3c(4).

9.6 Lopticu je podigao ili pomjerio spoljašnji faktor

Ako je poznato ili gotovo sigurno da je spoljašnji faktor (što uključuje drugog igrača u strouk-igri ili drugu lopticu) podigao ili pomjerio igračevu lopticu:

- to se ne kažnjava i
- loptica se mora ponovo položiti na svoje prvobitno mjesto (koje se, kada nije poznato, mora procijeniti) (pogledajte Pravilo 14.2).

Ovo se primjenjuje bez obzira na to da li je igračeva loptica pronađena. Ali ako nije poznato ili gotovo sigurno da je lopticu podigao ili pomjerio spoljašnji faktor i da je loptica izgubljena, igrač mora uzeti olakšicu udarac-i-udaljenost po Pravilu 18.2. Ako je drugi igrač igrao igračevom lopticom kao pogrešnom lopticom, to je obuhvaćeno Pravilom 6.3c(2), a ne ovim pravilom. **Kazna za igranje nekorektno zamijenjenom lopticom ili za igranje lopticom sa pogrešnog mjesta kršeći Pravilo 9.6:** opšta kazna po pravilima 6.3b ili 14.7a. Ako usljed pojedinačnog djelovanja ili usljed povezanih djelovanja dođe do višestrukog kršenja pravila, pogledajte Pravilo 1.3c(4).

9.7 Označivač položaja loptice je podignut ili pomjeren

Ovim pravilom obuhvaćeno je ono što treba činiti kada je označivač položaja loptice koji označava mjesto podignute loptice podignut ili pomjeren prije nego što je loptica ponovo položena.

9.7a Loptica ili označivač položaja loptice mora se ponovo položiti

Ako je igračev označivač položaja loptice podignut ili pomjeren na bilo koji način (što obuhvata i prirodne sile) prije nego što je loptica ponovo položena, igrač mora:

- ili ponovo položiti lopticu na njeno pravo mjesto (koje se, ako nije poznato, mora procijeniti) (pogledajte Pravilo 14.2),
- ili postaviti označivač položaja loptice radi označavanja tog pravog mjesta.

9.7b Kazna za podizanje označivača položaja loptice ili za uzrokovanje njegovog pomjeranja

Ako igrač, ili njegov protivnik u meč-pleju, podignu igračev označivač položaja loptice ili uzrokuju njegovo pomjeranje (kada je loptica podignuta, a nije još ponovo položena), igrač ili protivnik se kažnjavaju jednim kaznenim udarcem.

Izuzetak – Izuzeci pravila 9.4b i 9.5b koji se primjenjuju na podizanje označivača položaja loptice ili na uzrokovanje njegovog pomjeranja: u svim slučajevima u kojima se igrač ili protivnik ne kažnjavaju za podizanje igračkove loptice ili za slučajno uzrokovanje njenog pomjeranja, ne kažnjava se ni za podizanje ili slučajno pomjeranje igračevog označivača položaja loptice.

Kazna za igranje nekorektno zamijenjenom lopticom ili za igranje lopticom sa pogrešnog mjesta kršeći Pravilo 9.7: opšta kazna po pravilima 6.3b ili 14.7a. Ako usljed pojedinačnog djelovanja ili usljed povezanih djelovanja dođe do višestrukog kršenja pravila, pogledajte Pravilo 1.3c(4).